

## **ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 18 DE FEBREIRO DO 2013.**

=====

No Concello de Cangas, cando son as dezanove horas e trinta e cinco minutos do día dezoito de febreiro do dous mil trece, previa convocatoria, reúnen os/as seguintes concelleiros/as: D<sup>a</sup> Berta Pérez Hernández, D. Bernardino Faro Lagoa, D. Rafael Soliño Costas, D. Pío Millán Blanco, D<sup>a</sup> Dolores Gallego Santos, D. José Luis Gestido Porto e D<sup>a</sup> M<sup>a</sup> Lucía Ledo Fernández, baixo a presidencia do Sr. alcalde, Jose Enrique Sotelo Villar, asistidos por min a secretaria accidental, D<sup>a</sup> María Rodríguez Gómez e a interventora, D<sup>a</sup> M<sup>a</sup> Jesús Piñeiro Bello, coa finalidade de realizar sesión ordinaria da Xunta de Goberno Local, convocada para o día de hoxe, en primeira convocatoria.

Pola presidencia declarouse aberta a sesión, pasándose a tratar os seguintes puntos da orde do día:

### **1º.- APROBACIÓN, SE PROCEDE, DAS ACTAS DAS SESIÓNS ANTERIORES REALIZADAS EN DATAS 28 DE XANEIRO E 4 DE FEBREIRO DO 2013.**

A Xunta de Goberno Local, por unanimidade dos seus membros presentes, acordou, aprobar os borradores das actas das sesións anteriores da Xunta de Goberno Local, realizadas en datas 28 de xaneiro e 4 de febreiro do 2013.

### **URBANISMO E VIVENDA**

### **2º.- INFORME PROPOSTA DE RESOLUCIÓN DE DATA 14 DE FEBREIRO DO 2013, DA XEFA DE URBANISMO S/OUTORGAMENTO DE LICENZAS DE OBRAS E DE APERTURAS DE ESTABLECEMENTOS.**

#### **2.A) APROBA-LOS SEGUINTE EXPEDIENTES DE OBRAS:**

2.A.1) LICENZA DE OBRAS MAIORES.- Examinados os expedientes de obras tramitados a instancia de parte, e tralos informes técnicos e xurídicos a eles incorporados, a Xunta de Goberno Local acordou o seguinte: outorga-las seguintes licenzas urbanísticas, deixando a salvo o dereito de propiedade e os de terceiros. O acto de edificación ou uso do solo realizarase de conformidade coa documentación presentada, ás condicións particulares e ás seguintes condicións xerais:

1ª.- Os efectos das licenzas que se conceden, son puramente urbanísticos, a reserva e con absoluta independencia da obriga inescusable que recae nos seus titulares de obter, de se-lo caso, as preceptivas autorizacións dos outros organismos con competencias concorrentes nesta cuestión (Xefatura Provincial de Estradas, Deputación Provincial, Autoridade Portuaria de Vigo, Xefatura de Costas de Pontevedra, Comisión Provincial de Patrimonio Histórico-Artístico, etc.).

2ª.- Advírteselle ó/a interesado/a que esta licenza carece de validez en tanto o técnico aparelador municipal non efectúe a operación de "tira de cordas", polo que o/a interesado/a deberá solicitar que esta se leve a cabo antes de comeza-las obras.

3ª.- Deberá presentar no concello tres informes por escrito do estado das obras e da súa adecuación ó proxecto e á licenza municipal na que se amparan, nas seguintes fases da obra:

a) Cando as fábricas, tanto interiores como exteriores, estean iniciadas sobre o rasado da cimentación.

b) Cando estea rematada a estrutura do teito correspondente á altura total da edificación.

c) Cando estea finalizada a obra.

4ª.- Antes do inicio das obras deberá colocarse un valado de protección, que non poderá impedi-lo tránsito público para o que deberá obter, previamente, licenza municipal. O valado deberá acomodarse ás prescricións de seguridade do persoal empregado nas obras e para as persoas que transiten pola vía pública.

5ª.- Deberá colocarse un cartel de dimensións mínimas de 1,70 x 0,84 metros, onde figure o número e data da licenza, número de andares e nomes do promotor, arquitecto, aparelador e constructor. O titular da licenza adoptará tódalas medidas de seguridade previstas na normativa vixente.

6ª.- Deberá ter, na obra, a licenza e o proxecto selado polo concello a disposición dos funcionarios municipais.

7ª.- De conformidade co disposto no artigo 35 do RDL 1/92 do 26 de xuño, os prazos de iniciación, interrupción máxima e remate das obras, fíxanse en:

a) Iniciación: dentro dos doce meses seguintes ó outorgamento da licenza.

b) Interrupción máxima: seis meses, debendo comunicárselle ó concello. Indícase que, con carácter excepcional e por só unha vez, outorgarase prórroga cando se xustifique que a interrupción obedeceu a motivos de forza maior.

c) Remate das obras: dentro dos trinta e seis meses seguintes ó outorgamento da licenza.

8ª.- A edificación non poderá ser ocupada en ningún dos seus andares ata que as obras estean completamente rematadas, nese momento solicitaráselle ó concello a preceptiva licenza de primeira ocupación, achegando certificado de final de obra asinado polos directores desta e visado polos colexios correspondentes. En dito certificado especificarase que as obras se axustan ás condicións da licenza municipal e, así mesmo, achegarase documento acreditativo de que a obra foi dada de alta para os efectos do imposto sobre bens inmóbeis e escritura de división horizontal ou de declaración de obra nova, segundo os casos.

9ª.- O comezo da obra e a efectividade da licenza estará condicionada, en todo caso, á presentación no concello de un exemplar do proxecto de execución.

10ª.- Cando nas proximidades das obras que se autorizan existan instalacións de redes de servizos públicos que poidan resultar afectadas pola realización das obras, o titular da licenza daralle conta diso ó concello e estará obrigado a repoñer, ó seu estado anterior, os desperfectos que puidesen ocasionarse, ou sufraga-los gastos. Suspenderase a efectividade da licenza concedida mentres non se cumpra a obriga citada.

11ª.- Toda variación que se produza no proxecto presentado, así como, na dirección técnica ou empresa constructora, deberáselle comunicar ó concello para a súa conformidade.

12ª.- Antes de comeza-la construción a que fai referencia esta licenza, o promotor das obras deberá instalar no límite da parcela contiguo ó camiño ó que dá fronte, un foxo de formigón protexido cunha reixa co único fin de limpiar as rodas dos vehículos que se empreguen na obra, especialmente en épocas de choiva, co obxecto de evita-la perda de area nos viais de comunicación co conseguinte risco para a circulación rodada.

\* Calquera dos incumprimentos do condicionado suporá a SUSPENSIÓN INMEDIATA das obras, de conformidade co indicado no art. 209.1 da Lei 9/2002, do 30 de decembro, de ordenación urbanística e protección do medio rural de Galicia.

\*\*\*

**EXPEDIENTE Nº 24.374.-** A María Isabel e Daniel Pérez Millán, con enderezo en Rúa San Xosé, nº 58-2ºesq.-Cangas, para en Arneles-O Hío, en solo de núcleo rural, regulado pola Ordenanza, nº 12-construír unha vivenda unifamiliar de 67,10 m2., de planta baixa, de conformidade co proxecto básico de outubro do 2012, a que antes do comezo das obras presente o correspondente proxecto de execución, oficios de dirección e estudo de seguridade, a utilizar os materiais que sinala a LOUGA para os núcleos rurais e a formalizar perante o Catastro a modificación que presenta esta licenza.

Acéptaselle a cesión gratuíta de terreo para o vieiro efectuada con data 12 de febreiro do 2013.

Simultaneamente á edificación deberá complementar a urbanización das fronteiras de parcela aceptándose o aval en garantía desta por importe de TRESCENTOS SETENTA E TRES CON CINCUENTA E NOVE (373,59) euros.

**EXPEDIENTE Nº 24.483.-** A Alfonso Miguel Crujeiras Jorge e María Angeles Pena Paz, con enderezo en Rúa Diego Xelmírez, nº 7-Darbo, para na Serra de Poente-Darbo, en solo de núcleo rural, regulado pola ordenanza 12, construír unha vivenda unifamiliar de 146,52 m2., de semisoto, 78,48 m2. de planta baixa e 72,54 m2. de primeiro andar, de conformidade co proxecto básico de xaneiro do 2012, a que antes do comezo das obras presente o correspondente proxecto de execución, oficios de dirección e estudo de seguridade, a utilizar os materiais que sinala a LOUGA para os núcleos rurais e a formalizar perante o Catastro a modificación que presenta esta licenza.

Acéptaselle a cesión gratuíta de terreo para o vieiro efectuada con data 7 de xullo do 2011.

Simultaneamente á edificación deberá complementar a urbanización das fronteiras de parcela aceptándose o aval en garantía desta por importe de CATROCENTOS SETENTA E UN CON VINTE E CATRO (471,24) euros.

### 3.A.5) EXPEDIENTES DE OBRAS PENDENTES SOBRE A MESA:

**EXPEDIENTE Nº 23.514.-** A "HERMANOS LÓPEZ, S.L.", con enderezo en Sanguañeda- Mos-Barrio Monte, nº 211-B-36415-Vigo, para en Romarigo-Coiro, executar unha canalización soterrada de 142,00 metros, foi deixado sobre a mesa pendente de mellor estudo.

**EXPEDIENTE Nº 24.477.-** A "ELEC NOR, S.A.", con enderezo en Rúa Marqués de Mondejar, nº 33-Madrid, para en Rúa Andalucía-Cangas, executar unha

canalización soterrada de 27,00 metros, para liña de baixa tensión, foi deixado sobre a mesa, pendente de mellor estudo.

## 2.B) LICENZA DE OBRAS MENORES.

Examinados os expedientes de obras tramitados a instancia de parte, e vistos, así mesmo, os informes técnicos e administrativos incorporados, a Alcaldía acordou, outorga-las seguintes licenzas de obras, deixando a salvo o dereito da propiedade, os de terceiros e os do común, de conformidade coa documentación presentada, sempre que esta se adapte ó condicionado que se establece en cada autorización e ás seguintes condicións xerais:

1ª.- Os efectos das licenzas que se conceden, son puramente urbanísticos, a reserva e con absoluta independencia da obriga inexcusable que recae nos seus titulares, de obter, no seu caso, as preceptivas autorizacións por parte dos outros organismos estatais, con competencias concorrentes nesta cuestión (Xefatura Provincial de Estradas, Deputación Provincial, Obras do Porto de Vigo, Pontevedra, A Coruña, etc.).

2ª.- Advírtese ó interesado ou interesada que esta licenza carece de validez en tanto non se efectúe a operación de "tira de cordas" pola comisión de obras e técnico/a aparelador/a municipal, efecto para o cal deberá solicita-lo interesado/a que se leve a cabo esta antes de comeza-las obras.

3ª.- Deberá ter na obra a licenza e o deseño selado polo concello a disposición dos funcionarios/as municipais.

4ª.- De conformidade co disposto no artigo 197.1 da Lei 9/2002, do 30 de decembro, de ordenación urbanística e protección do medio rural de Galicia, os prazos de iniciación, interrupción máxima e remate das obras, fíxanse en:

a) Iniciación dentro dos doce meses seguintes ó outorgamento da licenza.

b) Interrupción máxima de seis meses, debendo comunicar ó concello e advertíndose con carácter excepcional e por unha soa vez, outorgarase prórroga cando se xustifique que a interrupción obedeceu a motivos de forza maior.

c) Remate das obras dentro dos trinta e seis meses seguintes ó outorgamento da licenza.

5ª.- As características constructivas dos cerramentos deben seren as que sinale a ordenanza respectiva segundo a cualificación urbanística do solo, e que se especifican na documentación das vixentes normas que leva por título "Normas Urbanísticas I".

**EXPEDIENTE Nº 23.926.-** A Avelino Otero Otero, con enderezo en Vilanova, nº 64-O Hío, para no referido lugar, construír un cerramento de 253,00 metros, de conformidade coa documentación presentada e condicións impostas pola Consellería de Medio Ambiente, en resolución de data 20 de decembro do 2012.

**EXPEDIENTE Nº 24.098.-** A Esteban Riobó Sanluis, con enderezo en Reboredo, nº 10- Coiro, para en Gondarán-Pedreira-Coiro, construír un cerramento de 21,00 metros, de conformidade coa documentación presentada.

**EXPEDIENTE Nº 24.292.-** A Ramón Rocamonde Gómez, con enderezo en Cunchido de Arriba, nº 26-Darbo, para no referido lugar, pavimentar o camiño

de acceso á parcela en 242,00 m<sup>2</sup>., de conformidade coa documentación presentada.

**EXPEDIENTE N° 24.409.-** A Manuel Lorenzo Rodriguez, con enderezo en Rúa Noria, n° 3-3°B-Cangas, para nas Gruncheiras, n° 6-Coiro, abrir un oco para portal de conformidade coa documentación presentada, a que a liña de edificación diste, como mínimo, a 4,00 metros do eixo do camiño, a que se levante dende a rasante do camiño e a que enrrase co camiño a superficie de terreo que quede fóra da aliñación dos 4,00 metros.

Acéptaselle a cesión gratuíta de terreo para o vieiro, efectuada con data 5 de decembro do 2011.

**EXPEDIENTE N° 24.458.-** A Alberto Fontán Figueroa, con enderezo nas Barreiras, n° 28-Liméns-O Hío, para no referido lugar, construír un cerramento de 17,66 metros, de conformidade coa documentación presentada.

### **3°.- DAR CONTA DE EXPEDIENTES DE DISCIPLINA URBANÍSTICA.**

#### 3.A) PROPOSTA DO INSTRUCTOR S/EXPEDIENTE SANCIONADOR POR INFRACCIÓN URBANÍSTICA N° 37/2012-S.

Dase conta de proposta do instructor de data 31.1.13, referente a expediente sancionador por infracción urbanística n° 37/2012-S, que é como segue:

*"EXPEDIENTE SANCIONADOR POR INFRACCIÓN URBANÍSTICA N° 37/2012-S.*

*Visto o expediente de referencia iniciado por acordo da Xunta de Goberno Local de data 19 de novembro do 2012, resulta que:*

*PRIMEIRO.- Por parte de Francisco Mallo Piñeiro, e segundo consta no expediente anterior de restauración da legalidade urbanística, realizáronse no lugar de Balea-Darbo, obras consistentes en:*

*1.- Con relación ós aleiros da edificación, están rematados e non se axustan ó plano presentado en data 19-09-97, sobrepasando as lonxitudes permitidas.*

*2.- Con relación á edificabilidade, sinalar, dous aspectos:*

*A) A planta baixa está recrecida sobre a edificación primitiva aproximadamente 5 m<sup>2</sup>., cun total edificado de 119,00 m<sup>2</sup>.*

*B) O andar baixo cuberto non se axusta ó plano presentado en data 45-10-97 en canto a que a superficie non computable sexa de 22,57 m<sup>2</sup>., por ter unha altura inferior a 1,50 m.*

*Dita superficie non computable é de 1,30 m<sup>2</sup>., aproximadamente, sendo computable unha superficie total de 128,00 m<sup>2</sup>.*

*A edificabilidade da parcela é de 228,00 m<sup>2</sup>., téndose construída unha superficie total de 247,00 m<sup>2</sup>., sobrepasando por tanto en 19,00 m<sup>2</sup>., á edificabilidade permitida.*

*3.- Con relación ó recuado a lindeiros, modifícanse ó recuado primitivo de 2,10 m., no linde con Eugenio Sotelo a 1,95 m. nun extremo e 1,80 m. no outro.*

*4.- A distribución do andar baixo cuberta, foi modificada non achegándose ó proxecto figurado na licenza. Na cuberta a chimenea existente figura situada noutro lugar.*

*5.- Así mesmo, foron eliminadas a escaleira de acceso interior, independizando os dous andares e xerando dúas vivendas independentes, con escaleira de acceso exterior na parte posterior da edificación.*

*6.- O galpón existente, conforme figura no plano de deslinde, foi reformado e adosado á nova edificación.*

*Sendo a construción de carácter ilegalizable.*

*SEGUNDO.- Dentro do prazo outorgado neste expediente sancionador para formular alegación ou para aportar documentos e informacións, o interesado non presenta escrito de alegacións.*

*TERCEIRO.- Que se ten que declarar probado sen necesidade de práctica de proba a existencia de obras, o que constitúe unha infracción urbanística tipificada no artigo 216 da Lei 9/02, do 30 de decembro, do solo de Galicia, podendo clasificarse como grave segundo o determina o artigo 217.3 da mesma norma citada.*

*CUARTO.- Que Francisco Mallo Piñeiro, na súa calidade de promotor é responsable directo da referida infracción.*

*QUINTO.- Que de acordo co establecido nos artigos 220 da Lei 9/02, e 55 do Regulamento de disciplina urbanística, a entidade da infracción cometida, en canto á gravidade da materia se refire, é o suficientemente importante para graduar a sanción a impoñer na súa contía 6.001 euros.*

*SEXTO.- Que de conformidade co sinalado no art. 19.2 do R.d. 1398/93, do 4 de agosto, polo que se aproba o Regulamento do Procedemento para o Exercicio da Potestade Sancionadora, cabe prescindir do trámite de audiencia sinalado no apartado 1 do artigo citado.*

*Visto o Decreto da Alcaldía de data 16 de xuño do 2011, polo que se delega na Xunta de Goberno Local a tramitación dos expedientes sancionadores en materia de disciplina urbanística, proponho á Xunta de Goberno Local a adopción do seguinte ACORDO:*

*\* Impoñer a Francisco Mallo Piñeiro, na súa calidade de promotor unha multa sancionadora de 6.001 euros, por infracción ó ter cometido as obras máis arriba citadas, no lugar de Balea-Darbo.*

*De conformidade coa disposición adicional 5 da Lei 9/02, do 30 de decembro, advírtese ó interesado que a presente multa reducirase na súa contía nun 30 por cento se é pagada no prazo de quince días a partir da notificación da multa e o infractor amosa por escrito a súa conformidade con esta e renuncia expresamente ó exercicio de toda acción de impugnación no referido prazo."*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda aprobar integramente a proposta do instructor transcrita anteriormente, referente a expediente sancionador por infracción urbanística nº 37/2012-S.

### 3.B) PROPOSTA DE RESOLUCIÓN DA ALCALDÍA S/EXPEDIENTE DE INFRACCIÓN URBANÍSTICA Nº 17/2012.

Dase conta de proposta de resolución da Alcaldía de data 1.2.13, referente a expediente de infracción urbanística nº 17/2012, que é como segue:

*"EXPEDIENTE Nº 17/2012.*

#### PROPOSTA DE RESOLUCIÓN

*Resultando que no lugar de rúa Lirio, nº 2-Cangas, polos responsables que se indican nesta resolución iniciouse a execución de obras sen a preceptiva licenza municipal consistentes en: realizar a cuberta nun patio de luces comunitario.*

*Resultando que, con data 30 de xaneiro do 2012 o técnico municipal informa que as obras realizadas se axustan á licenza nº 23.279 concedida pola Xunta de Goberno Local con data 5 de novembro do 2012.*

*Resultando que segundo consta no expediente, son persoas presuntamente responsables dos feitos sinalados, Marta Lemos Jorge, promotor.*

*Considerando que os feitos anteriormente expostos poden ser constitutivos dunha infracción urbanística, segundo o determina o artigo 216 da Lei 9/02, de 30 de decembro, de ordenación urbanística e protección do medio rural de Galicia, en relación co artigo 1 do Decreto 28/1999, do 21 de xaneiro, polo que se aproba o Regulamento de Disciplina Urbanística, que pode tipificarse en principio como leve segundo sinala o artigo 217.4 da mesma norma.*

*Considerando que inicialmente non se pode apreciar a tenor do indicado no artigo 220.2 da Lei 9/02 e artigos 96 e 97 do Decreto 28/1999, de 21 de xaneiro, polo que se aproba o Regulamento de disciplina urbanística, circunstancias agravantes.*

*Considerando sen prexuízo do resultado definitivo da instrucción do expediente, que ós feitos descritos lles pode corresponder a sanción de multa entre 300 e 6.000.-euros. de acordo co establecido no art. 220.1.a) da referida Lei 9/02, indicándolle ó infractor que se fai efectiva a sanción no prazo de 15 días desde a súa notificación reduciráselle esta nun 30%.*

*Visto o establecido nos artigos 216 ó 223 da Lei 9/02; no Regulamento de Disciplina, así como, na Lei 30/92, do 26 de novembro do Réxime xurídico das administracións públicas e do procedemento administrativo común; e no Regulamento de procedemento para o exercicio da potestade sancionadora aprobado por R.d. 1398/93, do 4 de agosto, e de acordo coas atribucións que teño legalmente conferidas polo artigo 228 da Lei 9/02, o artigo 10 do R.d. 1398/93 e o artigo 21 da Lei 7/85, do 2 de abril, Reguladora de bases de réxime local.*

*Visto o Decreto da Alcaldía de data 16 de xuño do 2011, polo que se delega na Xunta de Goberno Local a tramitación dos expedientes sancionadores en materia de disciplina urbanística, propoño á Xunta de Goberno Local a adopción do seguinte ACORDO:*

*PRIMEIRO.- Iniciar procedemento sancionador por infracción urbanística polos feitos mencionados dos que presuntamente son responsables as persoas indicadas nos antecedentes desta resolución.*

*SEGUNDO.- Nomear instructor e secretario do expediente a Rafael Soliño Costas e á secretaria do concello, Berta Alonso Soto, respectivamente, que poderán absterse de intervir no procedemento, ou ser recusados polos interesados polas causas e na forma que determinan os artigos 28 e 29 da Lei 30/92.*

*TERCEIRO.- O órgano competente para a resolución do presente procedemento sancionador, é a Xunta de Goberno Local por delegación da Alcaldía, de acordo co establecido no artigo 228 da Lei 9/02, 10 do R.d. 1398/93 e artigo 21.1.k) da Lei 7/85 e Decreto de delegación de data 16 de xuño do 2011.*

*CUARTO.- Indicar ós interesados o dereito que lles concede o artigo 8 do R.d. 1398/93, de recoñecer a súa responsabilidade. advertíndolle que de efectuar por si mesmo a legalización das obras antes da resolución do presente expediente reducirase a contía da sanción nun 80%.*

*QUINTO.- Indicar ós interesados o dereito que teñen a formular alegacións e achegar os documentos que estimen pertinentes, antes do trámite de*

*audiencia, así como, a coñecer en todo momento o estado de trámite do procedemento.*

*SEXO.- Conceder ós interesados un prazo de QUINCE DÍAS a contar desde o seguinte ó da notificación da presente resolución, para que achegue cantas alegacións, documentos e informacións que estime convenientes, e no seu caso, propoñan probas concretando os medios de que pretende valerse.*

*SÉTIMO.- Comunicar o acordo ó instructor e secretario con traslado das actuacións que existan ó respecto, debendo notificar ós interesados, advertindo a estes últimos de que, en caso de que non efectúen alegacións sobre o contido da iniciación do procedemento no prazo de quince días indicado, a presente resolución poderá ser considerada como PROPOSTA DE RESOLUCIÓN, eos efectos previstos nos artigos 18 e 19 do R.d. 1398/93.*

*OITAVO.- Advertir ós interesados que a incoación do presente expediente é inscribible no Rexistro da Propiedade.*

*NOVENO.- Notifíquese o acordo ós interesados, facendo constar que non pon fin á vía administrativa, e que por tratarse dun mero trámite, contra a mesma non cabe recurso, sen prexuízo de que poida interpoñer o que estime mais conveniente."*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda aprobar integramente a proposta de resolución da Alcaldía de data 1.2.13, referente a expediente de infracción urbanística nº 17/2012.

## **SUBVENCIONES**

### **4º.- PROPOSTA DO CONCELLEIRO DE EDUCACIÓN E CULTURA S/SOLICITUDE DE SUBVENCIÓN Á DEPUTACIÓN PROVINCIAL DE PONTEVEDRA PARA ACTIVIDADES CON CARGO Ó PAM-ACTIVIDADES 2013.**

Dase conta de proposta de data 8.2.13 do concelleiro de Educación e Cultura, referente a solicitude de subvención á Deputación Provincial de Pontevedra para actividades con cargo ó PAM-ACTIVIDADES 2013, que é como segue:

#### **"PROPOSTA**

***SOLICITUDE DE SUBVENCIÓN Á DEPUTACIÓN DE PONTEVEDRA PARA ACTIVIDADES CON CARGO Ó PAM-ACTIVIDADES 2013.***

*Publicadas no BOP nº 19 de data de 28 de xaneiro do 2013 as bases do Programa de acción municipal-sección actividades (PAM), para o exercicio 2013.*

*Vistas as necesidades e redactadas as memorias presentadas polos técnicos municipais, proponho á Xunta de Goberno Local:*

*Primeiro.- Aprobar as memorias valoradas das actividades que se relacionan:*

<b>Denominación actividade</b>	<b>Orzamento Total</b>	<b>Subvención solicitada</b>
<i>II Festival de danza e música tradicional</i>	<i>5.600,00</i>	<i>4.200,00</i>
<i>Arte no Morrazo</i>	<i>2.500,00</i>	<i>1.875,00</i>
<i>Festas populares</i>	<i>4.000,00</i>	<i>1.500,00</i>
<i>Nadal programa cultural</i>	<i>3.500,00</i>	<i>2.625,00</i>
<i>Semana Santa programa cultural</i>	<i>2.000,00</i>	<i>1.500,00</i>
<i>Salón do cómic</i>	<i>3.000,00</i>	<i>2.250,00</i>
<i>Verán cultural</i>	<i>3.000,00</i>	<i>2.250,00</i>

*Segundo.- Solicitar subvención á Excm. Deputación de Pontevedra para a realización das actividades que se relacionan e polos importes que se indican no apartado primeiro.*

*Terceiro.- Declarar que para as actividades relacionadas non se solicitou ningunha outra axuda ou subvención de entidade pública ou privada.*

*Cuarto.- Remitir á Excm. Deputación o acordo que se adopte achegado do resto da documentación que se especifica nas bases da convocatoria."*

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda aprobar integramente a proposta transcrita do concelleiro de Educación e Cultura, referente a solicitude de subvención á Deputación Provincial de Pontevedra para actividades con cargo ó PAM-ACTIVIDADES 2013.

## **SEGURIDADE, TRÁFICO, POLICÍA LOCAL E PROTECCIÓN CIVIL**

### **5º.- SOLICITUDES DE SINALIZACIÓN VARIAS.**

#### **5.A) SOLICITUDE DE JOSE ANTONIO POUSADA FERNÁNDEZ S/BAIXA DE SINAL DE PASAXE PERMANENTE.**

Visto o escrito presentado en data data 8.2.13, presentado por JOSE ANTONIO POUSADA FERNÁNDEZ, con DNI nº 73.240.169-G, con enderezo en Camiño Fontaiña a Rozabales, nº 8-Aldán, no que, reitera a baixa do sinal de pasaxe permanente nº 462, instalado no referido lugar, e que así mesmo, foi solicitada, en escrito de data 15.11.11.

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda autorizar o seguinte pedimento, de conformidade cos informes favorables emitidos pola Policía Local en datas 21.11.11 e 13.2.13, e polo tanto:

PRIMEIRO.- Conceder, con efectos retroactivos ó mes de decembro do 2011, a JOSE ANTONIO POUSADA FERNÁNDEZ, con DNI nº 73.240.169-G, e con enderezo en Camiño Fontaíña a Rozabales, nº 8-Aldán, a baixa do sinal de pasaxe permanente nº 462, instalado no referido lugar.

SEGUNDO.- Condiciónase a presente concesión de baixa á devolución do sinal de pasaxe permanente.

TERCEIRO.- Dar traslado do presente acordo ó interesado, Tesourería e ó departamento de Xestión de Ingresos Municipal.

### **URXENCIAS:**

### **ASUNTOS FÓRA DA ORDE DO DÍA.**

Trala declaración da urxencia, por unanimidade dos/as Sres./as concelleiros/as asistentes, (art. 83 R.d. 2568/1986, do 28 de novembro), adoptáronse os seguintes acordos:

### **A) SOLICITUDE DE JOSÉ BASTÓN CABALEIRO S/BAIXA DE SINALIZACIÓN HORIZONTAL.**

Examinado o escrito presentado en data 2.1.13 por JOSÉ BASTÓN CABALEIRO, con DNI nº 76.834.358-Y, con enderezo en Pinténs, nº 46-O Hío, no que reclama a baixa da sinalización horizontal existente no referido lugar.

Visto, así mesmo, o informe favorable emitido ó respecto en data 5.2.13 pola Policía Local.

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, de conformidade co informe da Policía Local e co acordo adoptado por esta mesma Xunta de Goberno Local en sesión de data 14.4.05, no que se autoriza ó Sr. Bastón Cabaleiro para que pola súa conta conta realice a referida sinalización horizontal, acorda:

PRIMEIRO.- Conceder ó Sr. Bastón Cabaleiro a baixa da sinalización horizontal existente en Pinténs, nº 46-O Hío.

SEGUNDO.- Que por parte do interesado se proceda ó borrado da referida sinalización, sendo este requisito indispensable para a concesión da baixa definitiva.

TERCEIRO.- Que por parte do Servizo de Xestión de Ingresos Municipal se proceda á comprobación do punto segundo do presente acordo, así como, á tramitación da baixa correspondente, no caso de cumprimento do referido punto.

CUARTO.- Dar traslado do presente acordo ó interesado, Tesourería e Xestión de Ingresos Municipal.

## **B) ADHESIÓN DO CONCELLO DE CANGAS Ó PROXECTO "CIUDAD CIENCIA" DA FUNDACIÓN "LA CAIXA".**

Vista a documentación remitida á Alcaldía do Concello de Cangas polo director da Área de Ciencia, Investigación e Medio Ambiente da Fundación "LA CAIXA", referente ó proxecto "CIUDAD CIENCIA", cuxo obxectivo é que a cidadanía coñeza de maneira sinxela e amena a importancia da ciencia e a tecnoloxía para o avance do coñecemento e o desenvolvemento económico, social e cultural, todo iso a través de exemplos e aplicacións onde intervéñen a ciencia que se atopa no contorno local. Indican tamén que constitúe un proxecto global no que se integran actividades dirixidas á poboación xeral, con especial atención ós xóvenes, ofrecendo un espazo virtual, con talleres de participación cidadán, así como actividades de divulgación científica, que se poderían incluír na programación cultural de cada concello.

A Xunta de Goberno Local, por unanimidade dos seus membros presentes, por delegación realizada en Resolución da Alcaldía do 16.6.11, acorda o seguinte:

PRIMEIRO.- Adherirse ó proxecto "CIUDAD CIENCIA" da Área de Ciencia, Investigación e Medio Ambiente da Fundación "LA CAIXA".

SEGUNDO.- Remitir o presente acordo á Fundación "LA CAIXA", con enderezo en rúa Manuel Murguía, nº 30-32 (15.011-A CORUÑA), así como, á concellería delegada do Concello de Cangas.

### **ROGOS E PREGUNTAS.**

Non se formularon.

E non tendo máis asuntos de que tratar, rematou a sesión cando son as vinte horas do mesmo día, do que eu, secretaria, dou fe.